

谷村老譜序

邦華庚午謝戎政歸念家譜不續垂百九十余歲慄匕子姓湮滅之懼罔以質祖宗猛思輯理而擬議筑舍逡巡中輟則乃倡創大宗祠于郡城烝嘗歲舉雍雍肅肅昭尊親聯疎逖也厥典備矣有客過而言曰古者尊祖則敬宗敬宗則收族是役也亦庶幾乎祖之尊宗之敬族之收矣然祖中有祖宗中有宗族中有族其能以一堂歆享一日類萃遂皆僣陟降于羹墻而神无怨恫尽少長于駿奔而宗无挂漏乎竊謂合幽明而通间隔宜莫如譜子先祠而后譜其犹有遺慮耶華曰非也吾祖西平王十五子隴西郡公宪觀察江西子游宜春郡侯乃家焉闕后支庶繁茂析散各州邑者无虑数十百欲一一合而譜之其麗不億安所得人邓林而会材向恒河而量沙耶故祠則祖不必尽祀一堂而不穷于祀族不必尽萃一日而无不可萃視譜事半而功必倍之計審耳客曰固也隴西宜春之裔隶首莫纪分譜难合宜有然者磐谷則聚址而居旦旦而晤虽有支分去世未遥闕焉弗录一体之谓何华曰亦非也磐谷于隴西宜春得脉亶厚则屈

昭景之于楚也迺磐谷所派衍又纍纍如磐谷之于陇西宜春也八百余年悉数之不终其类要以文昭武穆行有列止有序休戚与共庆尉不绝难异地曷殊同室毋问谱已彼亦一堂堂巨室也匪有专谱胡以传世此幹而彼支海若不因润于江河泰岱不增崇于邱陵支必从干干豈借支以大乎客曰是诚然矣虽然谱之辑也仁人孝子之所有事也第或名爵弗显权不足以镇器誉望弗隆德不足以压众则欲前且卻姑待来者或时有之乃今观于磐谷前谱既成之后百九十年间贤者项背相望何济也伯实魁南宫矣子庸解楚省矣且以清节理学易名庄介矣惟正督抚畿甸晋枢贰勋烈巍焕矣惟诚方岳两浙晋节钺声光彪炳矣懋良金粤宪仲纯参楚藩近者时显亦副黔臬表表仕籍矣其他曹郎郡邑由科名起家又不尽更仆矣此其人诂权德两有所未足乎即不必旁及就此聚址而居旦旦而晤者不能为之纪生歿述婚娶令后来有所考证乎何赧然仁孝之罔念也抑事起必待时至耶华曰客恶乎知谱者谱也一人作之千万人宜之之谓也而千万人之见易齐乎心易厌乎语曰贵不敌

亲贤不先亲欲为祖宗以收族亲亲也宁啻权力无所施即望隆朝野一夫遗言凜凜退舍避之矣向者诸先達僇力王室四国驱驰车辙未得税驾间致政归田计图创始而牵制枘鑿种种难调不得不反顾躊躇夫谁是甘生空桑而忘葛藟之谊也与哉然谓时至事起倘亦近之华宅先大司马忧草土余间谬萌越思適三十一世孙海阳邑令宾持其祖吏部司务栋所纂世系欲独任以成先志业有端绪华不胜躍然而僉谓独不如众华宜司其纲华迺却情执义作例十则以衷于众然后羣山告之祖庙属其事于老成精详者分支编摩三月而竣一准于例应详者毋敢畧应删者毋敢滥严而不苟质而不诞刻成釐然明备华因是而重有感于祖功宗德之隆而穷愿子孙之善守也今世人所诧称望族不过名位之赫奕而望族人所自诧亦惟是赫奕绵绵若固有之会不知上世修励奚似积累几何吾家八百祖传止有忠孝节义四字致主不辞捐軀卢墓应产瑞木烈女赴寇火以矢贞友兄代弟繫而丧元故能保世滋大奕叶无替然世道而既非矣子孙日失其序胡以见祖宗于地下则敢备举数端以

垂戒勉凡我宗人其諦听之夫弓子为箕治子为裘明世业也藉合为子孙者不务力学修身世其德义处则淫邪荡简出则覆束貽讥不将为家声之大玷乎德色耰鋤相煎萁豆伦常之薄人道其熄矣族亦有不亲其亲不长其长伤考心而悖天显以为名教之大僂者乎八家同井犹日出人相友守望相助奈何一本之亲开寡羊羹而斗成鬻触至于雀角公庭以貽乡曲之鄙诮乎四业既废游手无赖作奸椎埋扞宪逋赋使有司窘于呼牛而閭左苦如秋荼此不亦圯族之尤乎不耻不仁不畏不义履丝曳缟酗酒渔色自矜豪雄笑人守虏此乡国之蠹家门之孽族毋有类是者乎如其有之即列名于谱谱之炎也反是则忠孝节义不失祖宗之旧后之亲今夫亦犹今之亲昔矣族人勉之哉从来修谱之家蔑不徵序于当代名硕以大其宗然往往溢美失实华故自为之以规不以谏然族人

有仕于朝官于外者如吏部尚书日宣太仆寺丞元鼎四川梁山县令宏广东程乡县令和鼎原任杭州府别驾升光禄寺署正犹龙侨寓南都虽皆未亲其事实共闻其议又如曲靖府推官邦英拔贡士邦著以忧在

籍九江府学教授敏临江府学教授生成以致仕里居皆得预系订之役
若夫劳怨不辞始终宣力则有邑诸生世美布衣兴国邑诸生家僕暨华
弟邑廩生邦蔚栋会孙邑诸生保鼎瑜元孙邑诸生用光庄介会孙邑诸
生应宾以七人而肩此鉅任不大声色竟告成事可谓无忝所生者矣嗟
夫百九十余年之缺典举之一朝与郡中大宗祠相后先虽曰人力夫亦
客所谓时至事起祖宗在天之灵實默相之华何幸躬逢其盛若曰知我
罪我未必合一则华顷已明告之祖宗矣又何懼焉

时

崇禎十五年壬午孟冬月三十世孙南京兵部尚书叁赞机务帮华谨识